

## 2017-imi imigassamik eqqussuineq tunisassiornerlu

*Imigassaq  
eqqussorneqartoq  
tunisassiarineqartartorlu  
3,5 pct.-imik  
annikilleriarpoq*

2017-imi imigassaq akoqanngitsoq eqqussuunneqartoq tunisassiarineqartorlu 370 tusind literiusimavoq, titartagaq 1 takuuk. Tamanna ukiup siulianut sanilliullugu 13 tusind literinik imaluunniit 3,5 pct.-imik annikilleriarneruvoq. Innuttaasunut 15-ileereersimasunut agguataaraanni imigassaq akoqanngitsoq inummut ataatsimut 2017-imi agguaqatigiissillugu 8,4 literiusimavoq, ukiup siuliani 8,7 literiusimasoq.


*Sapaatip akunneranut  
immiartorfiit aqqanillit  
ataatilaarlugit*

2017-imi innuttaasut 15-ileereersimasut agguaqatigiissillugu inummut ataatsimut 8,4 literimik imigassamik akoqanngitsumik atuinerat isumaqarportaaq inuup ataatsip agguaqatigiissillugu sapaatip akunneranut immiartorfiit (genstand) 10,8 imertarsimagai. Taakkunani immiartorfinni immiaaqqat 7,7-upput, viinni 2,1 kimittoorlu 0,9-ulluni.

Naatsorsuinermi aallaaviuvoq immiartorfik imigassamik akoqanngitsumik 1,5 cl-imik imalik.

*Titartagaq 1.*

### Imigassamik akoqanngitsumik eqqussuineq tunisassiornerlu, 1.000 liter



Najaqqutaq: Naatsorsueqqissaartarfik, <http://bank.stat.gl/ALNALK1>

Saqqummiussaq "2017-mi imigassamik eqqussuineq tunisassiornerlu" pdf-fiilitut Naatsorsueqqissaartarfiup nittartagaani [www.stat.gl](http://www.stat.gl)-mi aaneqarsinnaavoq. Paasissutissanik sukumiinerusunik pissarserusukkaanni aamma nittartakkami aaneqarsinnaapput.

Paasissutissanik allanik perusukkaanni Naatsorsueqqissaartarfiup pisortaa Anders Blaabjerg saaffigineqarsinnaavoq. E-mail: [abla@stat.gl](mailto:abla@stat.gl) (tlf. 34 57 81).

Inussiarnersumik inuullaqqusillunga

Anders Blaabjerg

Naatsorsueqqissaartarfiup pisortaa